



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Controversiarvm Omnivm Hvivs Ævi Lvthero-Calvinisticarvm Libri Tres**

**Coppenstein, Johann Andreas**

**Mogvntiæ, 1627**

II. Qualia fingantur Antichristiana Papistica?

**urn:nbn:de:hbz:466:1-35233**

dit, restituit acta Formosi: quæ contra-  
dictio est. *Ioannes XIII.* cœpit baptiza-  
re campanas. *Syluester II.* magus fuit,  
inque templo S. Crucis Ierofolymæ  
dicerptus: at magi adorant dæmonem.  
cap. 13. Bellar. *Gregorius VII.* fuit hære-  
ticus necromanticus, Simoniacus, adul-  
ter. &c. Gog princeps Magog, id est,  
Antichristus. Cap. 14. Bell. *Alexander*  
*III.* docuit, esse contra diuinam Legem,  
& Ecclesiæ consuetudinem, vt in testa-  
menti requirantur testes plures tribus.  
*Celestinus III.* docuit, per hæresim solui  
Matrimonium, facto hæretico coniu-  
gum altero.

*Innocentius III.* docuit, Legem Vete-  
rem nondum esse prorsus abrogatam.  
*Nicolaus IV.* docuit Christum verbo fa-  
ctoque docuisse paupertatem perfectã  
eam, qua nullum sibi dominium refer-  
uauit, nec in particulari, nec in commu-  
ni. *Ioannes XXII.* docuit Animas ante  
resurrectionem non visuras Deum. I-  
tem Esse mortales, ait *Calvinus.* *Ioannes*  
*XXIII.* dicitur negasse Vitam ventu-  
ram, & resurrectionem.

*Benedictus XIII.* rectè docuit, Conci-  
lium esse supra Papam. *Innocentius VIII.*  
Noruegis permisit, vt sine vino sacri-  
ficent. Hæc vt vanissima ostendit *Bellar-*  
*minus* vbi supra. His adde ex eiusdem *L.*  
*2. c. 31. S. Gregorius* recu sauit titulum *V-*  
*niersalis, summi, Sanctissimi,* ait *Lutherus.*  
*Magdeburgensés* aiunt, Papam ab Iu-  
dæo Imp. creatum esse Patriarcham  
anno 520. *Calvinus* ait, nomen *Vn-*  
*uersalis Episcopi* esse profanum, & Antichri-  
sti pænuncium & sacrilegum.

Apud Sectarios isto nil receptius:  
Papa est Antichristus; Roma Sedes

eius; Regnum Papatus: cœpit cum gla-  
dio spirituali post annũ 600. cum Tem-  
porali, post annum 1000. Vide in *Luthe-*  
*ro-cal. meo. p. 2. q. 24.*

## QVÆSTIO II.

*Qualia fingantur Antichristiana Pa-*  
*pistica?*

**L**IBELLVS Synodi Simalchaldica de regno Antichri-  
sti. autore, reor, Melanchthone. Nota Antichristi  
competunt in regnum Papa.

1. Quia Paulus ad Theff. loquitur de aliquo regnante in  
Ecclesia, qui doctrinam pugnantem cum Euangelio exco-  
gnaturus sit; Et arrogabit sibi Auctoritatem diuinam.  
Etc. prætextu auctoritatu Ecclesiastica.

AT Qui regnat, in regno suo supe-  
riorem non agnoscit: Papa vero agno-  
scit Christum Dominum, se seruum.

II. Sumit sibi Papa ius mutandi Doctrinam Christi,  
cultus Dei, Et suos statuit.

2. Aus de uisibus etiam post hanc vitam soluendũ &  
ligandu.

AT solum per modum Suffragij, non  
Iurisdictionis.

3. Nolle ab Ecclesia aut ullo iudicari, est se Deum face-  
re.

AT Pastor oues pascere iussus est;  
non contra. Et Papa se credit à Deo fo-  
re iudicandum; non ergo Deum se fa-  
cit.

III. Hostiam horribiles errores defendit eum summa  
sastra, Et interficit dissentientes. Docet remitti peccata  
propter dignitatem n. strorum operum, Et nusquam do-  
cent, quod gratis propter Christum remittantur peccata.

AT mentitur iniquitas sibi.

CALVINVS in 2. Theff. 2. similes proflat fũ-  
mos, venditque ventos, apud Bell. l. 3. c. 20.

ILLYRICVS I. contra Primatum Papæ. Antichristus  
est Papa qui negat Christum. Quia adimit Christo sacer-  
dorum: nam non vult Christum audiri, sed magis se, suos-  
que pseudoapostolo aliud Euangelium afferentes. Item  
quia multos alios Mediatore in celo nobis pro Christo  
substituit, neglecto Christo: Item infinitos Sacrificulos pro  
Christo substituit.

Deni.

Denique quia per merita suorum spiritualium, Sanctorumque nos saluari vult.

At Logi. Piget plura.

### QVÆSTIO III.

Æqualibus CONCILIA onerantur mendacis?

**L**IBER dictus Protestatio aduersus Conc. Trid. sic ait: Proferimus ac protestamur nos adhaerere ac semper adhaerisse Protestationi & Appellationi R. P. D. Lutheri, ab iniustissimo & violentissimo iudicio Pontificis, ac omnium eius factionis iudicum, ad liberum, Christianum, legitimum, ac in Sp. Sancto congregatum Concilium. Qui processus, protestatio, & appellatio fuit postea unanimiter, & multis a nostris Ecclesiis renouatus; & in aliquot etiam Imperialibus conuentibus, ab omnibus Statibus comprobatus.

Hinc Protestantes dicti: Sed inconstantes.

Nam simul ac Paulus III. Concil. Trident. indixit, hoc illi, cum priscis sic habitis, lacerare calumniis & mendaciis, editisque libris; Lutherus lib. de Concilijs, Melanchthon lib. cur Lutherani ad Conc. non accesserint, Libro protestationis 34. Ministrorum: Illyricus lib. de praxi Concilij.

Kemnitii examen, Molinæi Consilium, Caluini Antidotum. &c.

**L**IVTHERVS l. d. Conc. ait, Nil opus Concilijs, cum tiam ista olim sanctissima errarint. Quoslibet parochos & Ludimagistros non minus in Ecclesia posse, quam maxima Concilia, Apostolos in Conc. Hierosolymitano ad angustia: nos redegisse, quod sit abstinendum sanguine, & suffocato. Quibus cum non abstineamus, liquere liberum esse, obedire Concilijs. Conc. Nicani articuli sunt fœnum, stramen, ligna: De ijs lignis articulis quasi reliquia remanserunt & rationes, ut articulus de festo Paschati. &c.

An vero nil aliud est negotij Spiritui Sancto in Concilijs, quam ut impossibilibus (de cœlibatu) periculosis, non necessariis legibus suos ministros obstringat & oneret. &c.

Maius accedit lumen doctrinae Christiana ex Catechismo puerili, quam ex omnibus Concilijs.

Ibid. Illi Sycophanta, qui parasitantur Papa, ad sunt dementati, ut hoc paradoxon audacissime defendunt Concilia potestatem habere novos articulos fidei conciliandi, & mutandi veteres.

2. **ILLYRICVS** lib. de norma & praxi Conc. Trid. Clamant illi Ecclesiam se Pontificem eum suis esse supra Scripturam, posse contra Apostolum, & totum Vetus Testamentum dispensare. &c. Dominus Iesus obstruat igne infernali ista blasphemia ora Antichristi.

3. **KEMNITIVS** in Exam. Dicunt,

1. Papa habet voluntatem pro ratione his qua vult:

2. Potest formam Sacramentorum, ad Apostolis traditam, immutare:

3. Contra epistolas Pauli potest statuere:

4. Potest dispensare contra quatuor prima Conc.

5. Et contra verba Euangelij.

Cardinali Hosio: qui præfedit Concil. Trident. affingunt illa verba 34. Ministri Protestationis.

Non pro Scripturarum sententia dimicantes, ipsa Scripturas facessere inebimus. Non oportet legis, aut Scripturæ esse peritum, sed Deo doctum. Vanus est labor, qui Scripturam impenditur.

Hæc enim creatura est, & egenum elementum; non conuenit Christianum creaturæ nimium additum esse.

Hæc ille nefarius Antichristi Cardinalis, & impij Concilij Gubernator.

Contra quæ ille: Si mea illa verba essent, vere dignus essem, qui in medio foro cremerer.

4. Iam qualia hæc mendacia: 1. Imperatores semper indixisse Concilia, iisdemque præfuisse,